



BOSANSKOHERCEGOVAČKI AUTO-MOTO KLUB

**SEKTOR ZA INFORMISANJE I DOKUMENTACIJU (SID)**

**INFORMACIJA O SAOBRAĆAJNIM NEZGODAMA,  
NJIHOVIM UZROCIMA I POSLJEDICAMA U BOSNI  
I HERCEGOVINI ZA PRVA TRI MJESECA 2008.  
GODINE**

Maj, 2008. godine

## 1. UVOD

Sektor za informisanje i dokumentaciju bosanskohercegovačkog auto – moto kluba (SID BIHAMK), već duži vremenski period radi na sistematskom prikupljanju svih dostupnih podataka iz oblasti saobraćaja, koristeći pri tome sve raspoložive izvore.

## 2. STANJE SIGURNOSTI CESTOVNOG SAOBRAĆAJA U BIH

U skladu sa podacima prikupljenim od nadležnih institucija (MUP RS, Federalna uprava policije, MUP Brčko Distrikta), na cestama u Bosni i Hercegovini u prva tri mjeseca 2008. godine dogodilo se ukupno **9.147** saobraćajnih nezgoda od kojih **91** nezgoda sa poginulim licima, **1.622** nezgode sa ozlijeđenim licima, te **7.434** saobraćajne nezgode sa materijalnom štetom.

Prema navedenim statističkim podacima vidljivo je da je u prva tri mjeseca prosječno svaki dan zabilježena 101 saobraćajna nezgoda.

ENTITET	UKUPAN BROJ SAOBRAĆAJNIH NEZGODA	
	Januar – Mart	
	2007	2008
Federacija BiH	5.986	6.645
Republika Srpska	2.190	2.340
Brčko Distrikt	**	162
<b>UKUPNO</b>	<b>8.176</b>	<b>9.147</b>

*Tabela 1. Pregled saobraćajnih nezgoda po entitetima za prvi kvartal 2008. godine sa uporednim podacima za isti period prošle godine*

U odnosu na isti period 2007. godine, u Bosni i Hercegovini je u prvom tromjesečju 2008. godine primijetan porast broja saobraćajnih nezgoda za 971 nezgodu, odnosno za **11,8%**, od toga u FBiH za **24,1%** a u RS za **6,8%**.

Prema podacima prikazanim u tabeli 1., a gledano sa aspekta prosječnog broja registriranih saobraćajnih nezgoda po danu, sigurnost saobraćaja u BiH u odnosu na isti period prošle godine je pogoršana.

### 3. POSLJEDICE SAOBRAĆAJNIH NEZGODA

Veliki broj saobraćajnih nezgoda, osim materijalne štete, za posljedicu ima i veliki broj ozlijeđenih i smrtno stradalih lica.

Na cestama u Bosni i Hercegovini tokom prvih tri mjeseca 2008. godine desilo se ukupno **9.147** saobraćajnih nezgoda, u kojima je život izgubilo **100** lica, teško je ozlijeđeno **475** lica, dok je **1.960** lica zadobilo lakše tjelesne ozljede, što možemo detaljno vidjeti u sljedećoj tabeli:

PODRUČJE	UKUPAN BROJ SN		BROJ POGINULIH LICA		BROJ TEŽE OZLIJEĐENIH		BROJ LAKŠE OZLIJEĐENIH	
	Januar – Mart		Januar – Mart		Januar – Mart		Januar – Mart	
	2007	2008	2007	2008	2007	2008	2007	2008
<b>FBIH</b>	5.986	<b>6.645</b>	40	<b>65</b>	296	<b>302</b>	1.260	<b>1.356</b>
<b>RS</b>	2.190	<b>2.340</b>	50	<b>33</b>	144	<b>163</b>	507	<b>533</b>
<b>Brčko Distrikt</b>	**	<b>162</b>	**	<b>2</b>	**	<b>10</b>	**	<b>71</b>
<b>UKUPNO</b>	8.176*	<b>9.147</b>	90*	<b>100</b>	440*	<b>475</b>	1.767*	<b>1.960</b>


\*nepotpun podatak

\*\*podatak nije dostavljen

*Tabela 2. Posljedice saobraćajnih nezgoda u prvom kvartalu tekuće i protekle godine*

Sa povećanjem prosječnog dnevnog broja saobraćajnih nezgoda u BiH, povećan je i broj poginulih lica, pa je u odnosu na isti period 2007. godine, u prvom kvartalu 2008. godine, broj poginulih porastao za **10** lica, odnosno za **9%**.

U FBiH je u prvom kvartalu 2008. godine poginulo 65 lica, što predstavlja porast od **62,5%** u odnosu na isti period prošle godine, a u RS primijetan je pad broja poginulih lica za **34%**.



*Dijagram 1. Uporedni prikaz broja poginulih lica u FBiH i RS za prvi kvartal 2007. i 2008. godine*

Najveći broj saobraćajnih nezgoda, ukupno 7.492 dogodilo se na ulicama u naselju, a 1.464 saobraćajne nezgoda dogodile su se na cestama van naselja.

Najteže posljedice saobraćajnih nezgoda bile su na magistralnim cestama, te na cestama u naselju.

#### **4. UZROCI NASTANKA SAOBRAĆAJNIH NEZGODA**

Veliki broj saobraćajnih nezgoda na našim cestama, rezultat je prvenstveno nepoštivanja saobraćajnih pravila i propisa, kao i niskog nivoa saobraćajne kulture većeg broja učesnika u saobraćaju.

Nepropisna, prevelika brzina kretanja i brzina neprilagođena uslovima na cesti su jedan od najčešćih uzroka nastanka saobraćajnih nezgoda (oko **27%**), zatim slijede saobraćajne nezgode nastale zbog vožnje pod uticajem alkohola i opojnih droga **6%**, te ostali uzroci u koje spadaju nepoštovanje prvenstva prolaza, nepropisno preticanje, skretanje...